

Prográmmaplána

Duoji ja hábmema bachelor

180 oahppočuoggá



Dohkkehuvvon Dutkan- ja oahppostivrras 15.12.22, áššis 68/22 (Public áššenr. 22/00731-1).
Rievdaduvvon goahtejodiheadji mearrádusnotáhta bokte 29.11.23 (Public áššenr. 23/00434-2),
Dutkan- ja oahppostivrras 26.09.24 (Public áššenr. 22/00731-8) ja goahtejodiheadji
mearrádusnotáhta bokte 21.01.25 (Public áššenr. 22/00731-14).

1. Prográmma namma ja grádanamahus go lea geargan oahpus

Prográmma namma:

Sámegillii: Duoji ja hábmema bachelorprográmma

Dárogillii: Bachelorprogram i duodji og design

Eaŋgalasgillii: Bachelor programme of Duodji and Design (Sámi Traditional and Applied Arts)

Grádanamahus:

Sámegillii: Duoji ja hábmema bachelor

Dárogillii: Bachelor i duodji og design

Eaŋgalasgillii: Bachelor of Duodji and Design (Sámi Traditional and Applied Arts)

2. Oahppoprográmma viidodat

Bachelorgráda viidodat lea 180 oahppočuoggá ja normerejuvvon oahppoáigi lea golbma jagi.

3. Sisabeassangáibádusat

- Dábalaš sisabeassangáibádusat alitohppui. Sisabeassanvuodđu sáhtá leat juogo oppalaš lohkangelbbolašvuohta (čadahan joatkkaskuvlla, logahaga dahje gymnása) dahje reálagelbbolašvuohta.
- Sámegielmáhttu
- Duodje-, dáidda- dahje hábmengelbbolašvuohta

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbbolašvuođa gáibádusa sáhtá duođastit čuovvovaš vugiid mielde: Norgga joatkkaskuvllas čadahan duodje-, dáidda- dahje hábmemoahpu, Suomas duodje-, dáidda- dahje hábmensuorggi artesánaohpu, Ruota gymnásas čadahan estehtalaš- dahje sámeprográmma. Duodje-, dáidda- dahje hábmengelbbolašvuođa sáhtá maidái deavdit jus lea maŋjel joatkkaskuvlla čadahan unnimusat jagi duodje-, dáidda- dahje hábmensuorggi oahpu ámmáskuvllas dahje fágaskuvllas, dahje universitehta- ja allaskuvladasis čadahan unnimusat 15 oahppočuoggá duodje-, dáidda- dahje hábmensuorggi oahpu.

Jus ohccis ii leat formála gelbbolašvuohta fágasuorggis, de sáhtá ohcci maidái duođastit duodje-, dáidda- dahje hábmenfágalaš gelbbolašvuođa iežas bargguid bokte. Dasto galgá juogo sáddet sisa ja oažžut dohkkehuvvot:

- Govaid unnimusat viđa duojis, dahje
- 2-3 duodje-, hábmen dahje dáiddalaš proševttain, mat čujuhit kreatiivvalaš proseassaide, ovdamearkka dihtii portfolio

Dárbbu mielde ovddiduvvo gelbbolašvuoda meroštallan fágalaš árvvoštallamii ja meannuduvvo dán vuodul. Sáhtta nai čadahuvvot ságastallan duodjegelbbolašvuoda árvvoštallama doarjjan.

4. Oahpahus- ja eksámengiella

Váldo oahpahusgiella lea davvisámegiella. DUO-1003 Knowledge of Indigenous Cultural Expressions and Arts oahppu lágiduvvo dábálaččat eaŋgalasgillii, ja čálalaš bargguid dán oahpus sáhtta buktit eaŋgalasgillii dahje sámegiellii. Jus oassi logaldallamiin lea eará sámegielaide, dáro- dahje ruotagillii, de dat dulkojuvvo dárbbu mielde. Logaldallamat eaŋgalasgillii eai dulkojuvvo. Eará sámegielat studeanttaide geahččalit láchit dili nu ahte sii sáhttet čállit bargguid ja oažžut oasi bagadallamis iežaset sámegiellii.

5. Oahpu oppalaš sisdoallu

Bachelorprográmmas lea vuolggasadji duddjon-, ja hábmenvugiin, estehtalaš vásáhusain ja teorehtalaš refleškuvnnain. Bachelorprográmma deattuha duodjefágalaš čuolmmaid ja čovdosiid mat dorjot bistevasvuoda. Studeanttat sáhttet eanaš oahpuin iežaset beroštumi mielde válljet dipma- dahje garraduoji suorggi.

Oahppu addá vuodđodieđuid sámi ja eará álgoálbmogiid duodje- ja dáiddadieđus. Oahppu deattuha duodje- ja hábmenproseassaid main studeantta dovddiida duodjái, ja mas beassá ovdánahttit iežas duodjebuktaga ja ámmátlaš hálldašeami. Duddjon, refleškuvdna, vásáhusat, duodje- ja dáiddalaš čehppodat ja buktagat deattuhuvvojit, ja teorehtalaš ákkastallamat ja jurddašeami galget doarjut duddjon- ja hábmen bargguid. Oahppu addá studeanttaide hárbjaneami geavahit sámegiela go galget buktit ovdan iežaset vásáhusaid duddjomis, ja go galget dieđalaččat ákkastallat bargguid.

6. Oahppanjoksosot

Maŋnel čadahuvvon oahpu lea kandidáhtta olahan čuovvovaš oahppanjoksosiid:

Diehtu:

Kandidáhtta

- lea háhkan dieđuid ja máhtuid duodjefága guovddášfáttáid, čuolmmaid, proseassaid, ávdnasiid ja bargovugiid birra
- dovdá iešguđet duodjeárbevieruid ja iešvuodaid
- dovdá dutkan- ja ovdánahttinbargguid
- lea háhkan dieđuid duodjehámiin ja dujiin iešguđet guovllus Sámis
- diehtá mo gaskkustit duoji ja iežas duodjemuitalusa sámi, eará eamiálbmot – ja stuorát servodahkii
- dovdá eará eamiálbmogiid duoji ja hábmema árbevieruid
- ádde fitnodat/ealáhus jurddašeami
- dovdá bistevasvuoda vuodđojurddašeami duddjonovdánahttimiin

Máhttu:

Kandidáhtta

- máhtta plánat ja čadahit bargguid ja prošavttaid iešguđet geahčastagas

- máhtta ohat, árvoštallat ja čujuhit dieđuide ja gálduide fágalaš čuolmmaid čoavddedettiin
- hálldaša duddjon- ja hábmenvugiid
- máhtta čilget fágalaš välljemiid
- máhtta geavahit relevánta fágalaš reaidduid, ávdnasiid ja teknihkaid
- máhtta čadahit ja dokumenteret bargoproseassa álgoideas gitta loahppabohtosii

Oppalaš gelbbolašvuohta:

Kandidáhtta

- hálldaša iešguđetlágan hutkás lahknanvugiid dujiid ovdánahtedettiin
- máhtta kritihkalaččat reflekteret iežas ja earáid duddjoma ja hábmema, ja čatnat dan servodatlaš oktavuhtii ja čujuhit relevánta teorijaiide
- dovda áigeguovdilis duddjon- ja hábmenfágalaš ovdánahttinbarguid ja máhtta atnit daid ávkin iežas duddjomis/hábmemis
- máhtta juogadit ideaid ja vásáhusaid earáiguin iežas fágasuorggis
- máhtta geavahit digitála veahkkeneavvuid hábmemis, duddjomis ja gaskkusteamis
- máhtta jurddašit bastevasvuoda fágasuorggis
- máhtta njálmálaččat ja čálalaččat gaskkustit duddjon- ja hábmenfágalaš čuolmmaid iešguđetlágan birrasiidda

7. Prográmma huksehus

Duoji ja hábmema bachelorprográmma lea oktiibuot 180 oahppočuoggá ja sisttisdoallá:

- 30 oč geatnegahtton oktasaš vuodđooahpuid: OKT 101, OKT 102 DUO-1001
- 60 oč geatnegahtton fágaoahpuid: DUO-1002, DUO-1003, DUO-1004, DUO-1005
- 30 oč geatnegahtton čiekŋudanoahpuid: DUO-2001, DUO-2010. DUO-2001 Duodji ja ovdánahttin (15 oč) sadjái sáhtta studeanta goitge välljet čadahit DUO-2002 Duodji ja ovdánahttin čiekŋudeapmi (30 oč), jus háliida stuorit duodjebargguin bargat dán lohkanbajis.
- 60 oč doarjjafágaid maid studeanta ieš vällje eavttuin ahte leat relevánttat ohppui ja dohkkehuvvojit doarjjafágan oahppoprográmmii. Unnimusat 15 oč doarjjafágain galget leat duoji, hábmema dahje designa fágasurggiid siskkobealde.

Doarjjafágan duoji ja hábmema bachelorii sáhttet dohkkehuvvot visot Sámi allaskuvlla bachelordási oahppoovttadagat, earret oahput mat leat oassin oahppoprográmma sámegeiela gelbbolašvuođa sisabeassanvuodus (SAAL1 Sámegeiella praktihkalaš dilis – Álgooahppu 1. oassi, SAAL2 Sámegeiella praktihkalaš dilis – Álgooahppu 1. oassi, ja DSALB Davvisámegeiela lohkanbadjeoahppu dahje vástideaddji oahput).

Doarjjafágaid sáhtta váldit maiddái eará oahppoásahusain, omd. olgoriikkas studeantonohallama áigge. Dat sáhttet leat ovdamearkka dihte duodje- dahje eará estehtalaš fágat, giellafágat, servodatdieđalaš fágat dahje eará heivvolaš fágat maid Sámi allaskuvla dohkkeha doarjjafágan. Doarjjafágat sáhtta leat oahppu mas lea bargohárjehallan oassin. Gaskkohagaid fálljuvvojit lulli- ja julevsámegeielat ja eangalsgeielat oahput.

1. lohkanbadji	2. lohkanbadji	3. lohkanbadji	4. lohkanbadji	5. lohkanbadji	6. lohkanbadji
OKT 101 Eamiálbmot filosofiija, 10 oč	DUO-1002 Bistevaš design, 15 oč	DUO-1004 Árbevirolaš duoji bajásdoallan ja ealáskahttin, 15 oč	Doarjjafáгат dahje olgoriika- lonohallan, 30 oč	DUO-2001 Duodji ja ovdánahttin, 15 oč ja doarjjafáга, 15 oč	DUO-2010 Duoji ja hábmema bachelorbargu, 15 oč
OKT 102 Dieđalaš čállin ja guorahallan, 10 oč					
DUO-1001 Duddjoma ja hábmema bargovuogit, 10 oč	DUO-1003 Knowledge of Indigenous Cultural Expressions and Arts, 15 oč	DUO-1005 Plánen, hutkáivuoha ja duddjon, 15 oč			

8. Oahpahan- ja oahppanvuogit

Bachelorgráda oahpu čađaheamis deattuhuvvo iešheanalášvuoha ja mielváikkuheapmi. Oahppan lágiduvvo studeantačoahkkananvahkuid, oahppomátkkiid, bagadallamiid ja daid gaskka neahttagulahallama bokte. Guđege oahppoovttadaga oahppoplánas leat dieđut fágaid oahppanvugiin. Studeanttat sáhttet eanaš oahpuin (áigequovdil earenoamážit DUO-1001, DUO-1004, DUO-1005, DUO-2001 ja DUO-2002 oahpuin) iežaset beroštumi mielde válljet dipma- dahje garraduoji suorggi. Oahpuin leat oktasaš logaldallan ja bagadallandiimmut. Studeanttat galget čađahit suodjaluskurssa ovdal go geavahišgohtet duodjelanjaid ja rusttegiid.

9. Árvvoštallanvuogit

Árvvoštallanvuogit bohtet ovdan prográmma iešguđet oahppoovttadagaid oahppoplánain.

10. Bargo- ja joatkkaoahppovejolašvuodát

Bachelorgráda addá vuodđogelbbolašvuoda álgit Duoji masterii. Bachelorgráda addá vuodu bargat ásašusain main duodji, dáidda dahje hábmen lea guovddázis, e. e. museain, kulturskuvllain, ja teáhteriin, dahje jođihit iežas duodje- dahje dáiddafitnodaga. Oahppu addá gelbbolašvuoda ovdanbuktit sámi duodjeealáhussii guoski dieđuid, máhtuid ja bargovuogiid obalohkái. Praktihkalaš pedagogalaš oahppu (PPO) lasseoahppun bajida oahpahangelbbolašvuoda duojis dahje hábmemis vuodđoskuvllas, joatkkaskuvllas ja bajit dási oahpahusas.

11. Eará dieđut

Olgoriikalonohallan:

Lea vejolaš čađahit oasi oahpus sihke olgoriikkain ja eará alitoahppoásahusain Norggas. Studeanttat geat háliidit vuolgit lonohallami, ávžžuhuvvojit dan dahkat 4. lohkanbajis, mii lea várrejuvvon doarjjafágaide.

Kvalitehtasihkarastin:

Čujuhuvvo Sámi allaskuvlla kvalitehtasihkarastinvuogá dahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraortta vuodul.